

Heiq Moegyou Gyauejdwngx:

Gaiq "Bienqrin Lix" Vwnzva Yienghnduj Gveibingz Si

杖头木偶戏：桂平市原生态文化的“活化石”

□ Vangz Susinh



▲ Bouxsoh bouxyak yawj vieneh nai moegvou couh rox.

◀ Vunzlai humx naengh yawj heiq maezmwd.



▲ Aen moegyou ndeu aeu haeujsim bae dajcang.

Heiq moegyou gyauejdwngx Gveibingz Si, yawj lumj liz saedceij ciuhneix gya'e'gyangq, yawj lumj "bingzciengz" dangqmaz— aen bungzheiq bingzciengz, gij ndaekroq bingzciengz, gij yienjciengq bingzciengz, gij "bingzciengz" neix, gizsaed dwg heiq nduj feih nduj, ndaej haenh naeuz dwg "bienqrin lix", "yienghlix goekgaen" vwnzva yienghnduj Gveibingz Si, bi 2007 ndaej sweigih lied guh buek daih' it feih vuzciz vwnzva yizcanj baujho mingzloeg.

Heiq moegyouz gyauejdwngx Gveibingz Si dwg cungj ciitheiq cienzdoengj ciuhgeq ndeu, "Ciuhhan nduj daengz Ciuhdangz hwng, Ciuhmingz Ciuhcingh engq hoengh-vuengh", Ciuhcingh seiz Dungzci youz canghheiq moegyou Bwzliuz Hoz Cibngeih caeuq daeglwg de Hoz Sisanh daiq ma cienz haeuj Gveibingz Si, caemhcai hwnghat le roek daih canghheiq moegyou, faen miz Baijleix caeuq Baijvwn song baij. Cungj heiq neix hoemqew doh Gveibingz Si gak yanghcin gvaq, diegciengz biujyienj laeb youq gak yanghcin vwnzvaca lai.

Heiq moegyou gyauejdwngx Gveibingz youh heuhguh "laj loengh gwnz", dwg aeu mbaenqfaex dingj fwngz din moegyouq dwk guh biujyienj; song fwngz moegyou aeu faex gaekdeu baenz, seizneix caemh aeu suli roxnaeuz iengfaex couqguh, ciuq bouxvunz ndaw heiq yaekaeu de guh baenz gaiqfwngz mbouj doxdoengz, lij ndaej guh baenz gaiq fwngz doengh ndaej bae gaem cuengq hongdawz dem. Heiq moegyou gyauejdwngx yienzbonj mbouj miz din, seiz doengh yaekaeu din, couh lingh bae boiq din, heuhguh "dwkdin". Caeuq gij heiq moegyouq dieg wngq mbouj doxdoengz haenx dwg, gij diuqciengq de gag miz daegsaek, faen miz diuqsai, diuqmbwk, cungeig, caenzrwix, bouxlaux, lwngyez cungj miz gij diuqciengq haemq dingh de, gyonglaz caemh

yawj bouxgiek mbouj doengz faen baenz haujai cungj diemjroq. Heiq moegyou gyauejdwngx Gveibingz ndujdaeuz gij coenzva ciengq de miz bouxvunz mbouj miz gojsaeh, roxnaeuz gojsaeh bingzciengz mbouj miz bouxvunz, hawj gyoengq maezheiq seiz haenx roxnyinh mbouj mizyinx geijlai, ginggvaq mboujduenh yienj-bienq caeuq cugciemh boujdem caezcienz, cij ndaej riuzcienz daengz seizneix. Mwh yienj youz canghheiq ndawbiengz dangseiz biujyienj, mbouj miz bonj sawheiq eiciengq, seizneix mbangj gaenq bienqbaenz ciuq sawheiq bae yienj, yungh Begvah doj Gveibingz yienjciengq; moegyou dwg aeu faex bonjdieg gag doqguh, ndangdaenj dwg buhvaq baengzdoj Gveibingz nyibguh, aeu gij gyonglaz bonjdieg yungh gvenq caeuq gij diemjroq ciuhnduj haenx ndaekroq; youz boux vunz dog gaem loengh moegyou caemhcai dangseiz biujyienj, sien roq gyonglaz riengz-laeng yienjciengq, biujyienj, diuqciengq cix mbouj daegdingh, cangh-yienj gag ciuq gamjsou dangseiz bae ciengq roxnaeuz cauhoq, diuqciengq aeu cih "lo" roxnaeuz cih "na" rag diuq, sou diuq; coenz ciengq ndaej song coenz, sam coenz, sei coenz roxnaeuz mbouj baenz coenz bae ciengq, ndaej dawzyinh caemh

ndaej mbouj dawzyinh, ndaej miz coenz caet cih roxnaeuz coenz mbouj dwg caet cih; seiz biujyienj laeb aen bungz biujyienj guh daizheiq biujyienj moegyou, aeu fan baengz guh raeblaeng, aen bungz iqet lingzloengz. Neiyungz heiq moegyou aeu gij ciitheiq cienzdoengj gangjlwnh gij yiengh guhhong, gvaq saedceij, cingzndiep, haqaeu, lizsij daengj daezcaiz lizsij, gojgaeq lizsij, bouxvunz lizsij guhcawj, lumjbaenz 《Vuj Sungh Hoenx Guk》《Sez Dinghsanh》《Yoz Feih Con》daengj, bi 1964 gvaqlaeng, gyoengq cangh-heiq hainduj senjaeu, gaijbien, cauuhgu le heiq moegyou gangjlwnh gij neiyungz ciuhneix haenx, lumjbaenz 《Sih Ganjdangh》《Namzhaij Cangzcwngz》daengj, hawj vunzlai yied yawj yied mizyinx.



▲ Canghheiq laux son dahlan yienj heiq moegyou gyauejdwngx.



▲ Canghheiq laux Lij Gozgenz lwnh lijsij heiq moegyou gyauejdwngx hawj gyoengq bouxcoz dingq.



▲ Boux swnjcienz Veiz Fangh dajcang aen moegyou.



▲ Canghheiq laux biujyienj heiq moegyou gyauejdwngx.



▲ Ngoenzhaw ngoenzciet cungj miz heiq moegyou gyauejdwngx biujyienj.



▲ Yiengh naj moegyou baenz bit baenz bit veh baenz.



▲ Song goeng laux yienj daiz heiq ndeu.